

बच्चन के ले बाइबिल
देत है



आराधनालय के
एक अगुवा से
यीशु की
मुलाकात



द्वारा लिखत: Edward Hughes

द्वारा चित्र: Byron Unger; Lazarus
Alastair Paterson

द्वारा अनुकूल: M. Maillot; Sarah S.


द्वारा अनुवाद करो गयो:


द्वारा बनाओ: Bible for Children
www.M1914.org

©2024 Bible for Children, Inc.
लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



परे तार को एक कोड़ा अइसो बनाइके, यीशु ने बइपारिन कौ मंदिर से बहार निकारि दौ। उन्ने उनई हुकुमु दौ, "इन सबका दूरि लइ जाउ मेरे पिता के घर कौ बइपार की जगह ना बानाबउ" यीशू, अपने पिता से बहुतु प्रेम राखत हते।







अगुबन ने यीशु से चिन्ह दिखाउन के लै कही जिससे मालूम होई कि उनइ मन्दिर कौ खाली कन्न को अधिकारु हइ। यीशु ने उत्तर दौ, "जा मंदिर कौ तुम नाशु करि देऊ अउरु हम बाई फेरि तीन दिन मा उठाई के ठाड़ो करि दीई" नाइ हुइ सकती। जा मंदिर कौ बनाउन के लै पुरे छियालिस साल लगि गये हते।



यीशु अपनी देह के बारे मा
कहत हते। मंदिर की तरह,
उनकी देहउ मा परमेश्वर को
निवासु हतो। लेकिन यीशु
कूस पर मरि जइही, लेकिन
उनइं जा मालूम हती कि
परमेश्वर उनइं तिसरे दिन
मरे भेन मा से जिअइई।



एक राति,
आराधनालय के
अगुबन मा से एक ने
यीशु से मुलाकात
करी। चमत्कार के
बजह से बाई पता
हती कि यीशु
परमेश्वर की घांइ से
पठाए गये हंइ।
निकुदेमुस, यीशु के
तीर परमेश्वर के बारे
मा अउरु जादा
जानन आओ हतो।





यीशु ने निकुदेमुस से
कही लोगन कौ
परमेश्वर के राज्य मा
जान के लै नये तरह से
पइदा हुइबो जरूरी हइ,
निकुदेमुस ने नाइ
समुझि पाई। एक बड़ो
आदमी फेरि एक बच्चा
कइसे बनि सकति हइ?
अच्छी बात जा हइ कि
बउ धर्मी आदमी हतो।
का बाके लै इत्तो काफी
नाइ हइ?





“जो आत्मा से पइदा
भौ हइ बउ आत्मा
हइ,” यीशु ने कही।
“परमेश्वर की आत्मा
एक हवा की तरह
हइ। लोग हवा कौ
देखि या समुझि नाइ
सकति। हवा का
कत्ति हइ, हम केबल
बाई कौ देखत हंइ।”







यीशु ने निकुदेमुस कौ सुधि दिवाई , पुराने समय मा
इस्राएल के बच्चन ने किस तरह मूसा से शिकायत करी।
बइ रोये, "हमारे तीर कछु रोटी पानी नाइ हइ अउरु
हम परमेश्वर की दइ रोटी से नफ़रति कत्त हंइ।"





लोगन के पापन ने परमेश्वर कौ गुस्सा
करो। परमेश्वर, उनके बीच जहरीले
सांपन कौ भेजो। सांपन ने लोगन कौ
काटो अउर बहुतु लोग मारे गये।




“हमने पाप करो हइ। दुआ करउ
यहोबा सांपन कौ हमसे दूरि करइ,
लोगन ने बिनती करिके कही।” तब
मूसा ने उनके लै प्रार्थना करी।
लेकिन परमेश्वर ने उन सांपन कौ
उनसे दूरि नाइ करो।




परमेश्वर ने मूसा से कही कि एक जहिरिलो सांपु बनाबउ अउरु एक ऊंचे खम्बा पइ टाँगि देउ। परमेश्वर ने जउ बाइदा करो, "हरि कोई जिसइ सांपु काटइ बउ जिन्दा रही अगर बइ ऊंचे पइ टंगे भै सांप कौ देखि लेंइ।" मूसा ने एकु पीतरि को सांपु बनाओ अउरु जित्तेन ने बाई देखो बई ठीक हुई गये।





यीशु ने निकुदेमुस कौ बताओ
कि, "मनुष्य को लड़िकाउ जा
पीतरि के सांप की तरह ऊपर
चढाओ जइ।" यीशु ने क्रूस
की बात कही हती जिस
पर बइ पापिन के लै
मन्न बाले हते।





क्योकि परमेश्वर ने दुनियां से
अइसो प्रेम रखो की बाने अपनों
एकलौता लड़िका दइ दौ,
ताकि जो कोई बा पर भरोसो
करइ नाशु ना होई,
लेकिन हमेशा की
जिंदगी पावई।






जाको मतलब जउ हइ
कि जो कोई यीशु पर भरोसो
कत्ति हइ बउ परमेश्वर के
परिवार मा पइदा
होति हइ।



शायद निकुदेमुस बा राति यीशु को चेला नाइ बनो। लेकिन सालन
बादि, निकुदेमुस ने, क्रूस पर चढाये परमेश्वर के लडिका कौ दफन
करिबे समय मा जउ दिखाओ कि बउ
यीशु पर भरोसो अउरु
प्रेमु कत्ति हतो।



इसके बाद, यीशु अउरु उनके चेला उत्तर घाई मा यात्रा कन्न के लै निकरि लै। अउरु लोगनउ कौ परमेश्वर के राज्य के बारे मा सुनिबो अउरु यीशु नासरी, परमेश्वर के लड़िका के ऊपर भरोसो करिबे को मउका मिलिवो जरुरी हतो।




आराधनालय के एक अगुवा से यीशु की मुलाकात
परमेश्वर के वचन से बाइबिल की एक कहानी
में पायी जाती है

यूहन्ना २-३, गिनती २१

"तुमहोर शब्द के प्रवेश से रोशनी मिलत है।"

भजन ११९:१३०






समाप्त



41



60



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढे और हर एक दिन परमेश्वरी से बातें कराओ! यूहना ३:१६

